

PSALMUS XIII.

EXPLICATIO VERSUS I.

לִמְנַצָּח: vide Psal. IV, 1.

EXPLICATIO VERSUS II.

מַה עַד אֲנִי quousque:) est hæc interrogatio lamentantis, suamque desertionem diuturnam flebiliter coram Deo exponentis, ut *Psalm.* III, 2. quàm multi sunt homines, *Psalm.* X, 1. quare stas procul &c. *Salianus* t. 3. *An.* 2978. num. 33. putat, hunc Psalmum scriptum anno nono fugæ ob Saulem. אֲנִי est aliàs interrogatio loci, quorsum? ut *Gen.* xxxvii, 30. *Psalm.* cxxxix, 7. (quo ibo &c.) sed cum עַד usque, constructum interrogat de temporis duratione durationisque termino: usquequo? ut *Job.* VIII, 2. Quater repetitur, ob quaternam Israëlis captivitatem *Babyl. Med. Græ. Rom.* secundum Judæos. *Kimch. Lsk. R. Sal.* quod tamen nimis frivolum.

אֲבִי אֲשַׁכַּחתי (*oblivisceris mei*:) h. e. differes consolationem ac auxilium, instar hominis, alterius afflicti non recordantis, adeoque de ferendâ ope non cogitantis. Anthropopathia, ut *Psal.* IX, 19. Deo enim cuncta semper præsentissima notissimaque: oblivisci autem dicitur, quando nec bene facit, nec punit, cum tamen nostro iudicio id facere deberet.

לְנֶצַח in seculum:) i. e. quousque mei ita penitus nullam habebis rationem, meque hostium ludibriis expones sine ullâ termini præfinitione? Est hic ellipsis literæ (ה) supplenda ex *Psalm.* IX, 19. non אֲשַׁכַּחתי pauper לְנֶצַח vide *Psal.* IX, 7. Adeoque licet minus coherere videbitur *quousque?* (de termino querens) & *quousque?* (de termino querens) & *quousque?* quodammodo definitur, nihilominus contextus docet, durationem deplorari ferè intolerabilem ac infinitam. Similis textus *Psalm.* lxxix, 5. *quousque, Domine, irasceris in seculum?* lxxxix, 47. *quousque, Domine, absconderis in seculum?*

אֲסַתֵּר abscondes faciem:) nempe gratiosam, instar patris, filium aspectu non dignantis: ut *Psal.* X, 11. Plus hic dicitur, quam in præcedente; non enim omnis, qui obliviscitur, etiam odit aut fastidit, sicut fit in *aversione vultus*.

EXPLICATIO VERSUS III.

אֲשַׁתֵּן ponam עֲצֵי consilia:) i. e. quousque anxius & dubius rerum agendarum apud me inibo consilia, curasque varias, quomodo scilicet ex hisce ærumnis elabi tandem aliquando possim *Luther.* soll ich sorgen. *Syrus* in secundâ personâ: *pones tristitiam* &c.

עֲצֵי consilia:) videlicet propter ancipitem periculosissimumque meum statum hinc inde fluctuantia, non enim deliberare solet homo facile, quando securus tranquillò fruitur statu; secus verò, quando ingruunt omnis generis mala &c.

מַה עַד אֲנִי mærorem:) cum gemitu conjunctum, (qualis captivorum *Jesa.* xxxv, 10. *Ll.* II. *Jerem.* XLV, 3. item tyrannide pressorum, *Psalm.* CVII, 39. angustias inferni gustantium *Psalm.* CXVI, 3. &c. Sic & hoc locò intelligitur varia mœstitia, partim ab exiliò Saulisque persecutione orta, partim ex mundi ac Satanæ calumniis, infidiis, &c. Declarantur hoc modò consilia modò memorata, videlicet quòd ex mærore ortum du-

A cant, mæroremque habeant comitem haut vulgarem: unde *Campen.* *quousque vanis curis animam meam affligam, quæ nihil præter mærorem continuum pariunt?*

בְּלִבִּי in corde meo:) i. e. in animâ, cujus in corde sedes, tanquam in metropoli, variis jam turbis seditiosisque velut motibus misere concussâ.

מִיָּוֶמֶת interdiu:) i. e. totum ac quemlibet diem, seu perpetuo: q. d. nulla diei hora sine ingenti cordoliò mihi præterit, nulla mihi totò ferè die conceditur respiratio vel hilaritas: cum tamen per diem homines negotiis suis occupati curarum oblivisci soleant citius, quam noctu, (ם) in fine format adverbium: *Psal.* I, 2.

עָלָו elatus erit:) partim externò felici successu, partim internâ animi elatione ac fastu; idque non sine insigni fidelium præjudiciò ac damnò: ut *Psal.* XII, 9.

EXPLICATIO VERSUS IV.

B רֵפְסֵה respice:) oculis scilicet gratiæ, quibus reale auxilium perpetuò annexum est. Opponitur autem hoc priori vultus absconfioni, quâ indicabatur auxilii denegatio; adeoque hac intuitione involvitur benevola cura ac defensio, ut *1. Reg.* IX, 3. *oculi mei super eum* &c. *Deut.* XI, 12. *Gen.* IV, 4. respexit sacrif. Abel. *Pf.* IX, 14. X, 14. &c.

עֲנֵנִי exaudi me:) i. e. preces meas audi, ad petita responde, & verbis & factis, hoc est, præsta, quæ à te oro: עֲנֵנִי enim significat respondere alloquenti in genere, vide *Psal.* XVII, 6. & quandoque respondere pro lubitu rogantis. i. e. exaudire. Sicut verò homines, quando & visum & auditum adhibent, studium suum luculenter comprobant: ita quoque h. l. tum *Intueri*, tum *Audire* divinum complectitur omnis generis beneficia, quibus miseria vetus pellitur, novusque planè status prosper stabilitur.

C הַאֲרִירָה illumina oculos meos:) h. e. mihi in tenebris miseriarum constituto immitte iterum gratiæ tuæ exhilarantis atque informantis radios, ut hocce splendore, velut ex imminente mortis somnò subito excitatus, incipiam iterum coram facie tuâ vigilanter exultare, sciamque, quâ ratione pericula præsentia rectè declinare possim &c. Per lucem enim sæpius in sacris indigitatur informatio vel consilium, facem quasi alicui in agendis præferens; itemque gaudium instar lucis exhilarans metuentem tenebras ac pericula crucis; ut *Jes.* LIX, 9. *Job.* XV, 22. XVII, 13. XXX, 26. expectabam lucem &c. *Psal.* XCVII, 11. lux orta & lætitia. Sic *Esr.* IX, 8. illuminat oculos nostros, i. e. nos iterum exhilarat. Confer *Psal.* XXX, 9. ubi lex illuminans oculos. *Cobel.* VIII, 1. sapientia illuminat faciem: adde *Proverb.* XV, 30. XXIX, 13. *Cbal.* illumina oculos meos in lege tuâ, ne fortè peccem & dormiam cum reis mortis. *Vatablus*, da spiritum vitalem; vitæ enim præcipuus vigor in oculis apparet, ut in *Jonath.* 1. *Sam.* XIV, 27. 30. Sensus: dispelle tenebras tribulationum, quæ me prope enecant. Vel, dona mihi vigilantiam ac cautionem, ne imprudens incidam in manus hostis &c.

אֲשַׁתֵּן ne dormiam:) scilicet אֲשַׁתֵּן dormitionem) mortis: i. e. ne denegatâ mihi tuâ gratiâ miser